



東北古史資料叢編

馮繼欽 黃鳳岐
李品清 孫海
編

第四卷
遼〔上〕



ISBN 7-80507-016-4/K·3

定價： 9.00 元

東北古史資料叢編第四卷(遼上)

目

錄

第一篇

舊五代史.....一

新五代史.....二九

五代會要.....五五

第二篇

遼史.....六七

第三篇

宋史……………二四一

第四篇

金史……………二八一

第五篇

契丹國志……………三二九

大金國志……………三六四

第六篇

資治通鑑……………三六九

續資治通鑑長編……………三八七

續資治通鑑長編拾補……………四六〇

第七篇

宋會要輯稿·····	四六九
三朝北盟會編·····	五三七

第一篇

舊五代史

〔宋〕薛居正等撰

（中華書局點校本）

【舊五代史卷九·梁書·末帝紀中】

貞明三年（九一七）夏四月辛卯，以右千牛衛大將軍劉瓛充契丹宣諭使。

【舊五代史卷十·梁書·末帝紀下】

貞明六年（九二〇）九月庚寅，以供奉官郎公遠充契丹歡好使。

【舊五代史卷二十六·唐書·武皇紀下】

天祐二年（九〇五）春，契丹阿保機始盛，武皇召之，阿保機領部族三十萬至雲州，與武皇會於雲州之東，握手甚歡，結爲兄弟，旬日而去，留馬千匹，牛羊萬計，期以冬初大舉渡河。

【舊五代史卷二十八·唐書·莊宗紀二】

天祐十三年（九一五）八月，契丹入蔚州，振武節度使李嗣本陷於契丹。九月，時契丹衆塞，帝領親軍北征，至代州北，聞蔚州陷，乃班師。

天祐十四年（九一六）二月甲午，新州將盧文進殺節度使李存矩，叛入契丹，遂引契丹之犯寇新州。……帝命周德威率兵三萬攻之，營於城東。俄而文進引契丹大至，德威拔營而歸，因爲契丹追躡，師徒多喪。契丹乘勝寇幽州。是時言契丹者，或云五十萬，或云百萬，漁陽以北，山谷之間，驅車毳幕，羊馬彌漫。盧文進招誘幽州亡命之人，教契丹爲攻城之具，飛梯，衝車之類，畢陳於城下。鑿地道，起土山，四面攻城，半月之間，機變百端。城中隨機以應之，僅得保全，軍民困弊，上下恐懼。……夏四月，命李嗣源率師赴援，次於涿水。……周德威遣人告李嗣源曰：「契丹三十萬，馬牛不知其數，近日所食羊馬過半，阿保機責讓盧文進，深悔其來。契丹勝兵散布射獵，阿保機帳前不滿萬人，宜夜出奇兵，掩其不備。」嗣源具以事聞。秋七月辛未，帝遣李存審領軍與嗣源會於易州，步騎凡七萬。於是三將同謀，銜枚束甲，尋澗谷而行，直抵幽州。八月庚子，……契丹萬騎遽至，存審、嗣源極力以拒之，契丹大敗，委棄毳幕、氍毹、弓矢、羊馬不可勝紀，進軍追討，俘斬萬計。

【舊五代史卷二十九·唐書·莊宗紀三】

天祐十八年（九二〇）十二月辛未，王郁誘契丹阿保機寇幽州，遂引軍涿州，陷之。又寇定

州……。

天祐十九年（九二一）春正月甲午，帝至新城，契丹前鋒三千騎至新樂。……契丹萬餘騎，遽見帝軍，惶駭而退。帝分軍爲二廣，追躡數十里，獲阿保機之子。……阿保機方在定州，聞前軍敗，退保望都。帝至定州……翌日，引軍至望都，契丹逆戰……敵衆大墮，俘斬數千，追擊至易水，獲氍毹裘、毳幕、羊馬不可勝紀。時歲且北至，大雪平地五尺，敵乏芻糧，人馬斃路道路，殲斃不絕，帝乘勝追襲至幽州。

【舊五代史卷三十一·唐書·莊宗紀五】

同光二年（九二四）春正月甲辰，幽州上言，契丹入寇至瓦橋。……乙卯，渤海國遣使貢方物。

三月庚戌，幽州奏，契丹寇新城。

【舊五代史卷三十二·唐書·莊宗紀六】

同光二年（九二四）夏五月乙卯，幽州上言，契丹營於州東南。丙辰，渤海國王大諲撰遣使貢方物。秋七月壬戌，幽州奏，契丹阿保機東攻渤海。九月癸卯，幽州上言，契丹阿保機自渤海國迴軍。庚戌，有司自契丹至者，言女真、迴鶻、黃頭室韋合勢侵契丹。丙辰，黑水國遣使朝貢。契丹寇幽州。冬十月辛未，契丹寇易、定北鄙。庚辰，奚王李紹威進駝馬。幽州奏，契丹入寇，至近郊。十一月戊午，契丹寇蔚州。

同光三年（九二五）春正月丙申，契丹寇幽州。二月丙子，李嗣源奏，涿州東南殺敗契丹，生擒首領三十人。辛巳，突厥、渤海國皆遣使貢方物。五月己酉，黑水、女真皆遣使朝貢。六月癸亥，雲州上言，去年契丹從磧北歸帳，達靼因相掩擊，其首領于越族帳自磧北以部族羊馬三萬來降，已到南界，今差使人來赴關奏事。

【舊五代史卷三十四·唐書·莊宗紀八】

同光四年（九二六）春正月戊午朔，契丹寇渤海。丙寅，契丹寇女真、渤海。戊寅，契丹阿保機遣使貢良馬。辛巳，吐渾、奚各遣使貢馬。

【舊五代史卷三十五·唐書·明宗紀一】

同光二年（九二四）正月，契丹犯塞，帝受命北征。十二月，契丹入塞。三年（九二五）正月，帝領兵破契丹於涿州，移授鎮州節度使。

【舊五代史卷三十六·唐書·明宗紀二】

天成元年（九二六）夏四月乙卯，渤海國王大諱諤遣使朝貢。秋七月庚申，契丹、渤海國俱遣使朝貢。

【舊五代史卷三十七·唐書·明宗紀三】

天成元年（九二六）秋八月己亥，幽州奏，契丹寇邊，詔齊州防禦使安審通率師禦之。冬十月庚子，幽州奏，契丹平州守將僞署幽州節度使盧文進率戶口歸明，百僚稱賀。辛丑，契丹遣使

來告哀，言國主阿保機以今年七月二十七日卒。詔曰：「朕近續皇圖，恭修帝道，務安夷夏，貴洽雍熙。契丹王世預歡盟，禮交聘問，遽聞凶訃，倍軫悲懷，可輟今月十九日朝參。」十一月戊午，青州奏，得登州狀甲，契丹先攻逼渤海國，自阿保機身死，雖已抽退，尚留兵馬在渤海扶餘城，今渤海王弟領兵馬攻圍扶餘城內契丹次。

【舊五代史卷三十八·唐書·明宗紀四】

天成二年（九二七）九月己巳，契丹遣使梅老沒骨已下朝貢。十一月壬申，契丹遣使梅老等來乞通和。十二月戊寅朔，遣飛勝指揮使於契丹，賜契丹王錦綺、銀器等，兼賜其母繡被纓絡。

【舊五代史卷三十九·唐書·明宗紀五】

天成三年（九二八）春正月辛酉，契丹陷平州。契丹遣使秃泚悲梅老等貢獻，帝遣指揮使奔托山押國信賜契丹王妻。夏四月甲申，幽州上言，契丹有書求樂器。五月己未，幽州奏，契丹秃泚領二千騎西南趨定州。壬申，王晏球奏，今月二十一日，大破定州賊軍及契丹於曲陽，斬獲數千人，王都與秃泚以數十騎復入於定州。六月己丑，幽州趙德鈞奏，殺契丹千餘人於幽州東，獲馬六百匹。秋七月甲子，王晏球奏，今月十九日契丹七千騎來援定州，王師逆戰於唐河北，大破之。己巳，王晏球奏，此月二十一日，追契丹至易州，掩殺四十里，擒獲甚衆。八月壬午，幽州趙德鈞奏，於府西邀殺契丹敗黨數千人，生擒首領楊隱等五十餘人。是時，官軍襲殺契丹，屬秋雨繼降，泥濘莫追，人饑馬乏，散投村落，所在村民持白梃毆殺之。德鈞出兵接於要路，幾無噍

順。帝致書喻其本國。閏月戊申，趙德鈞獻戎俘於闕下，其蕃將惕隱等五十人留於親衛，餘契丹六百人皆斬之。乙卯，契丹遣使來貢獻。契丹平州刺史張希崇上表歸順。

【舊五代史卷四十·唐書·明宗紀六】

天成四年（九二九）二月乙巳，王晏球奏，此月三日收復定州，獲王都首級，生擒契丹禿餒等二千餘人。夏四月壬子，契丹寇雲州。癸丑，契丹遣捺括梅里等來朝貢，稱取禿餒等骸骨，並斬於北市。五月丙申，雲州奏，契丹犯塞。八月乙巳，黑水朝貢使骨至來朝，授歸德司戈，放還蕃。

【舊五代史卷四十一·唐書·明宗紀七】

長興元年（九三〇）二月己亥，黑水國主兀兒遣使貢方物。十一月丙戌，青州奏，得登州狀，契丹阿保機男東丹王突欲越海來歸國。

【舊五代史卷四十二·唐書·明宗紀八】

長興二年（九三一）春正月壬申，契丹東丹王突欲自渤海國率衆到闕，帝慰勞久之，錫賚加等，百僚稱賀。丁丑，東丹王突欲進本國印三紐。二月丁酉，又幸安元信、東丹王突欲之第。三月辛酉，詔渤海國人皇王突欲宜賜姓東丹，名慕華，仍授檢校太保、安東都護，充懷化軍節度、瑞慎等州觀察等使。其從慕華歸國部校，各授懷化、歸德將軍中郎將。……奚王副使竭失訖宜賜姓乙……九月己亥，懷化軍節度使東丹慕華賜姓名李贊華，改封隴西縣開國公。應有先配諸軍契丹並賜姓名。

【舊五代史卷四十三·唐書·明宗紀九】

長興三年（九三二）春正月庚子，契丹遣使朝貢。戊申，渤海、迴鶻、吐蕃遣使朝貢。二月己卯，懷化軍節度使李贊華進契丹地圖。三月甲申，契丹遣使朝貢。夏四月，契丹累遣使求歸則刺、惕隱等，幽州趙德鈞奏請不愈允。……帝然之。既而只遣則骨舍利隨來使歸蕃，不欲全拒其請也。癸亥，以懷化軍節度使李贊華爲滑州節度使。初，帝欲以贊華爲藩鎮，范延光等奏，以爲不可。帝曰：「吾與其先人約爲兄弟，故贊華來附。吾老矣，儻後世有守文之主，則此輩招之亦不來矣。」由是近臣不能抗議。九月乙巳，契丹遣使自幽州進馬。十一月丁亥，以河陽節度使兼六軍諸衛副使石敬瑭爲河東節度使，兼大同、彰國、振武、威塞等軍蕃漢馬步總管。時契丹帳族在雲州境上，與羣臣議擇威望大臣以制北方，故有是命。乙巳，雲州奏，契丹主在黑榆林南捺剌泊造攻城之具。帝遣使賜契丹主銀器綵帛。

【舊五代史卷四十四·唐書·明宗紀十】

長興四年（九三三）五月丙戌，契丹遣使朝貢。九月庚子，以前滑州節度使李贊華遙領虔州節度使。

【舊五代史卷四十五·唐書·閔帝紀】

應順元年（九三四）春正月乙亥，契丹遣使朝貢。

【舊五代史卷四十六·唐書·末帝紀上】

清泰元年（九三四）九月己未，雲州奏，契丹寇境。冬十月戊寅，契丹寇雲、應州，詔河東節度使石敬瑭率兵屯代州。

【舊五代史卷四十七·唐書·末帝紀中】

清泰二年（九三五）五月丙申，新州、振武奏，契丹寇境。六月甲子朔，新州上言，契丹入寇。乙丑，振武奏，契丹二萬騎在黑榆林。壬申，契丹寇應州。庚辰，北面招討使趙德鈞奏，行營馬步軍都虞候、定州節度使楊光遠，行營排陣使、邢州節度使安審琦帥本軍至易州，見進軍追襲契丹次。十一月乙卯，渤海國遣使朝貢。

【舊五代史卷四十八·唐書·末帝紀下】

清泰三年（九三六）秋七月己丑，奚首領達刺干遣通事介老奏，奚王李素姑謀叛入契丹，已處斬訖，達刺干權知本部落事。八月戊午，契丹遣使梅里入朝。癸亥，應州奏，契丹三千騎迫城。九月甲辰，張敬達奏，此月十五日，與契丹戰於太原城下，王師敗績。時契丹主自率部族來援太原，高行周、符彥卿率左右廂騎軍出鬪，蕃軍引退。巳時後，蕃軍復成列，張敬達、楊光遠、安審琦等陣於賊城西北，倚山橫陣，諸將奪擊，蕃軍屢却。至晡，我騎軍將移陣，蕃軍如山而進，王師大敗，投兵仗相藉而死者山積。……契丹主移帳於柳林。辛亥，召吏部侍郎龍敏訪以機事，敏勸帝立東丹王贊華爲契丹主，以兵援送入蕃，則契丹主有後顧之患，不能久駐漢地矣。帝深以爲然，竟不行其謀。十一月庚子，趙德鈞奏，大軍至團柏谷，前鋒殺蕃軍五百騎。范延光

奏，軍至榆次，蕃軍退入河東川界。潘環奏，隰州逐退蕃軍。壬寅，趙德鈞奏，軍出谷口，蕃軍漸退，契丹主見駐柳林砦。閏月甲子，太原行營副招討使楊光遠殺招討使張敬達於晉安寨，以兵降契丹。時契丹圍寨，自十一月以後芻糧乏絕，軍士毀居屋茅，淘馬糞，削松栴以供餘飼，馬尾鬣相食俱盡。……丁卯，戎王立石敬瑭爲大晉皇帝，約爲父子之國，改元爲天福。戎王與晉高祖南行，趙德鈞父子與諸將自團柏谷南奔，王師爲蕃騎所蹙，投戈棄甲，自相騰踐，擠於巖谷者不可勝紀。

【舊五代史卷七十五·晉書·高祖紀一】

清泰三年（九三六）五月，帝尋命桑維翰詣諸道求援，契丹遣人復書諾之，約以中秋赴義。九月辛丑，契丹主率衆自雁門而南，旌騎不絕五十里餘。先使人報帝云，「吾欲今日便破賊，可乎？」帝使人馳告曰，「皇帝赴難，比要成功，賊勢至厚，可明旦穩審議戰，未爲晚也。」使未達，契丹已與南軍騎將高行周、符彥卿等合戰。時張敬達、楊光遠列陣西山下，士未及成伍，而行周、彥卿爲伏兵所斷，捨軍而退，敬達等步兵大敗，死者萬人。是夜，帝出北門與戎王相見，戎王執帝手曰，「恨會面之晚。」因論父子之義。明日，帝與契丹圍敬達營寨，南軍不復出矣。……十一月，戎王會帝於營，謂帝曰，「我三千里赴義，事須必成。觀爾體貌恢廓，識量深遠，真國主也。天命有屬，時不可失，欲徇蕃漢羣議，冊爾爲天子。」帝飾讓久之。既而諸軍勸請相繼，乃命築壇於晉陽城南，冊立爲大晉皇帝，戎王自解衣冠授焉。……是日，帝言於戎王，願以

徧門已北及幽州之地爲戎王壽，仍約歲輸帛三十萬，戎王許之。

【舊五代史卷七十六·晉書·高宗紀二】

天福元年（九三六）十二月丙申，詔封故東丹王李贊華爲燕王。天福二年（九三七）春正月庚申，定州奏，契丹改幽州爲南京。丙子，故契丹人皇王歸葬，輟視朝一日。六月癸未，契丹使夷離畢來聘，致馬二百匹，及人參、貂鼠皮、走馬、木碗等物。戊子，宰臣趙贊自契丹使回。

【舊五代史卷七十七·晉書·高祖紀三】

天福三年（九三八）八月戊寅，以左僕射劉昫爲契丹冊禮使，左散騎常侍章勳副之，給事中盧重爲契丹皇太后冊禮使。辛丑，鎮、邢、定三州奏，奉詔共差樂官六十七人往契丹。九月己未，宣遣靜鞭官劉守威、左金吾仗勸契官王英、司天臺鷄叫學生商暉等，並赴契丹。庚申，契丹使人往洛京般取趙氏公主。十月戊寅，契丹命使以寶冊上帝徽號曰英武明義皇帝。戊子，以右金吾大將軍馬從斌爲契丹國信使，考功郎中劉知新副之。

【舊五代史卷七十八·晉書·高祖紀四】

天福四年（九三九）三月癸卯朔，左僕射劉昫、給事中盧重自契丹使迴，頒賜器幣如馮道等。九月丁丑，契丹使粘木孤來聘，致牛馬等物。

【舊五代史卷七十九·晉書·高祖紀五】

天福五年（九四〇）春正月甲戌，遣宣徽使楊彥詢使於契丹。冬十月丁未，契丹使舍利來

聘，致馬百疋及玉鞍、狐裘等。

天福六年（九四一）六月戊午，鎮州節度使安重榮執契丹使拽刺，遣輕騎掠幽州南境之民，處於博野，仍貢表及馳書天下，述契丹援天子父事之禮，貪傲無厭，困耗中國，已繕治甲兵，將與決戰。帝發所論而止之……

【舊五代史卷八十·晉書·高祖紀六】

天福六年（九四一）九月乙亥，遣前邢州節度使楊彥詢使于契丹，錫賚甚厚。

天福七年（九四二）春正月庚午，契丹遣使來聘。乙亥，契丹遣使來聘。二月丁亥，契丹遣使來聘。三月庚申，遣前齊州防禦使宋光鄰、翰林茶酒使張言使于契丹。

【舊五代史卷八十一·晉書·少帝紀一】

天福七年（九四二）六月己卯，遣判四方館事朱崇節、右金吾大將軍梁言持國信物使於契丹。八月甲子，契丹遣使致慰禮馬二十四匹及羅絹等物。癸酉，契丹遣使致祭於高祖，贈禮御馬二匹、羊千口、絹千匹。契丹主母亦遣使來慰。冬十月庚辰，契丹遣使致祭於高祖，贈馬三匹、衣三襲。

天福八年（九四三）春正月辛巳，後唐莊宗德紀伊氏自契丹遣使貢馬。三月辛丑，引進使、太府卿孟承誨使契丹。

【舊五代史卷八十二·晉書·少帝紀二】

天福八年（九四三）十二月癸丑，遣給事中邊光範、前登州刺史郭彥威使於契丹，行至恆州，敵已犯境，不能進，留於公館數月，不達其命而回。

開運元年（九四四）春正月乙亥，滄、恆、貝、鄴馳告，契丹前鋒趙延壽、趙延昭引五萬騎入寇，將及甘陵，青州楊光遠召之也。己卯，契丹陷貝州，知州吳繼死之。庚辰，太原奏，契丹入鴈門，圍忻、代二州。恆、滄、邢三州上言，契丹大至。壬午，詔取此月十三日車駕北征。丁亥，敵騎至黎陽。戊子，以貝州節度使王令溫爲鄆州節度使，時令溫弟令崇自契丹至，訴以舉族陷於甘陵，故有是命。辛卯，……奏契丹主以鐵騎三四萬建牙帳於元城……丙申，契丹攻黎陽，遣右武衛上將軍張彥澤等率勁騎三千以禦之。己亥，遣譯語官孟守忠致書於契丹主，求修舊好。守忠自敵帳迴，契丹主復書曰：「已成之勢，不可改也。」辛丑，太原奏，與契丹戰於秀谷，斬首三千級，生擒五百人，獲敵將一十七人，賊軍散入鴟鳴谷，已進軍追襲。二月甲辰朔，鄆州奏，博州刺史周儒以城降契丹，又與楊光遠潛約，光遠引契丹於馬家渡濟河。……遣李守貞等水陸進兵而下，以救汶陽。戊申，契丹築壘於馬家渡東岸，以騎軍列於外，以禦王師，李守貞以師搏之，遂破其衆。賊騎散走，赴河溺死者數千，遂拔其壘。壬子，以彝殷爲契丹西南面招討使。易州刺史安審約奏，戰契丹於北平，賊退保祁溝關，斷其橋梁而還。三月癸酉朔，契丹主領兵十餘萬來戰。……乙亥，契丹主帳內小校竊其主所乘馬來奔，云：「契丹已傳木書，收軍北去。」甲申，契丹車帳已過貝州……夏四月，滄州奏，契丹陷德州……